

Sarajevo, 28-07-2022

Broj: 60-04-4-33451

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu, Pravilnika o javnim nabavkama Kliničkog centra Univerziteta u Sarajevu, na prijedlog Komisije za javne nabavke (br. Izvještaja Komisije broj 10-33-4-32682 od 22.07.2022 godine), Generalna direktorica donosi:

IZMJENA I DOPUNA ODLUKE

o rezultatima okončanog otvorenog postupka javne nabavke a koji se odnosi na javnu nabavku
„Medicinska sredstva za potrebe KCUS-a I/4/2022 „

I

Prihvata se preporuka Komisije za javne nabavke „Medicinska sredstva za potrebe KCUS-a I/4/2022 „
u odnosu na LOT-ove 1, 9, 10:

- LOT 1- Zavoji gipsani i podloge – postupak javne nabavke prema Rješenju Ureda za razmatranje žalbi broj JN2-03-07-1-1547-8/22 od 15.07.2022 godine (broj protokola 60-11-3-32162 od 20.07.2022 godine) se poništava;
- LOT 9 - Flaster za fiksaciju I.V. Kanile, prema Odluci o rezultatima okončanog postupka javne nabavke broj 60-11-3-21158 od 10.05.2022 godine se poništava u skladu sa članom 69. Stav 2. tačka d) „niti jedna dostavljena ponuda nije prihvatljiva“.
- LOT 10 - Flasteri hipoalergijski postoperativni prema Odluci o rezultatima okončanog postupka javne nabavke broj 60-11-3-21158 od 10.05.2022 godine i prema ponudi broj 10-11-3-14648 od 29.03.2022 godine dodjeljuje se ponuđaču „ENA“doo.

II

Prijedlog okvirnog sporazuma dostavit će se na potpis izabranom ponuđaču najkasnije u roku od 10 dana, računajući od dana kada u svi ponuđači obaviješteni o izboru najpovoljnije ponude.

III

Obavezuju se ponuđač iz člana 1. ove Odluke da u roku od 7 (sedam) dana od prijema ove Odluke dostavi dokumente navedene u tenderskoj dokumentaciji na centralni protokol ugovornog organa, sa obaveznom naznakom broja obavještenja na koji se isti odnose. Ukoliko su isti sastavni dio dostavljene ponude o istom obavezan je pismenim putem obavjestiti Ugovorni organ.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze ova Odluka će se poništiti.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav 2. Zakona o javnim nabavkama.

OBRAZLOŽENJE

Obavještenje o nabavci broj 893-1-1-145/22 objavljeno na portalu E-nabavke 09.03.2022. godine uz Odluku Generalne direktorice za pokretanje procedure za javno nadmetanje broj: 60-11-7-11041-1 od 08.03.2022. godine.

Komisija je provela postupak javne nabavke i Ugovornom organu dostavila Izvještaj broj 10-11-3-20422 od 04.05.2022. godine na osnovu kojeg je donesena Odluka o rezultatima okončanog otvorenog postupka „Medicinska sredstva za potrebe KCUS-a I/4/2022“, akt broj 60-11-3-21158 od 10.05.2022. godine.

Nezadovoljan sadržajem predmetne Odluke o rezultatima okončanog otvorenog postupka, žalitelj Cherka Company d.o.o. je uložio žalbu, akt broj 60-11-3-22983 od 20.05.2022 godine, a u odnosu na LOT 1 predmetne nabavke. Nakon razmatranja dostavljene žalbe, Komisija je Ugovornom organu dostavila Izjašnjenje po istoj, akt broj 60-11-3-24164 od 30.05.2022 godine ocjenjujuću navedenu žalbu **neosnovanom**.

Na naprijed navedenu Odluku o rezultatima okončanog otvorenog postupka, žalitelj Makotron d.o.o. je dana 23.05.2022 godine, također uložio žalbu, akt broj 60-08-1-23207 u odnosu na Lot 9 i Lot 10 predmetne nabavke. Nakon razmatranja dostavljene žalbe, Komisija je Ugovornom organu dostavila Izjašnjenje po istoj, 60-11-3-24164 od 30.05.2022 godine ocjenjujuću navedenu žalbu **neosnovanom**.

Podnosiocima žalbe i svim ostalim ponuđačima koji su dostavili svoje ponude po ovom predmetu nabavke dostavljeno je Obavještenje kojim se obavještavaju da se navedeni postupak nabavke obustavlja za LOT-ove: 1, 9 i 10 do donošenja Rješenja po istom od strane Ureda za razmatranje žalbi, a Izjašnjenja Ugovornog organa na uložene žalbe i kompletna dokumentacija proslijeđena je Uredu za razmatranje žalbi na dalje postupanje.

RAD KOMISIJE

Dana 20.07.2022. godine (broj protokola KCUS-a 60-11-3-32161) od strane Ureda za razmatranje žalbi dostavljeno je Rješenje broj JN2-03-07-1-1548-7/22 od 15.07.2022.godine kojim se žalba ponuđača „MAKOTRON“ d.o.o. Banja Luka, zastupanog po punomoćniku advokatu Davoru Majstoroviću, na Odluku o rezultatima okončanog otvorenog postupka javne nabavke „Medicinska sredstva za potrebe KCUS-a I/4/2022“, u odnosu na Lot 9 i Lot 10 odbacuje kao neuredna.

Istog dana je od strane Ureda za razmatranje žalbi dostavljeno Rješenje broj JN2-03-07-1-1547-8/22 od 15.07.2022 godine (broj protokola KCUSa 60-11-3-32162) kojim se žalba ponuđača „CHERKA COMPANY“ d.o.o. Mostar usvaja kao osnovana i poništava se postupak u cjelosti u dijelu za Lot 1.

U Rješenju Ureda za razmatranje žalbi Bosne i Hercegovine, podružnica Mostar, navodi se:

„Ugovorni organ je tražio dostavljanje uzoraka za Lot 1 – Zavoji gipsani i podloge, a da pri tome tenderskom dokumentacijom nije detaljno definisao način na koji će se cijeliti dostavljeni uzorci, ni u koju svrhu se uzorci dostavljaju, da li u svrhu ocjene ponuda ili u svrhu kontrole ispravnosti isporuke robe u toku realizacije ugovora, a što nije u skladu sa članom 3. stav (2) tačka d) alineja 12) Uputstva za pripremu modela TD i ponuda koji propisuje da ukoliko se dostavljaju uzorci robe po TD jasno opisati način na koji će se isti dostavljati, a također nije u skladu ni sa članom 53. stav (1) ZJN jer tenderskom dokumentacijom ponuđačima nije dato dovoljno informacija o postupku dodjele ugovora.

S obzirom da tenderska dokumentacija nije pripremljena u skladu sa citiranim odredbama Zakona o javnim nabavkama i Uputstva za pripremu modela TD i ponuda, što je obaveza ugovornog organa shodno članu 53. stav (1) ZJN koji propisuje da je ugovorni organ dužan pripremiti tendersku dokumentaciju u skladu sa odredbama ovog zakona i podzakonskim aktima, a kako to ugovorni organ u konkretnom slučaju nije, ovaj organ konstatuje da je ugovorni organ učinio apsolutno bitne povrede, koje se ogledaju u činjenici da tenderska dokumentacija nije usklađena sa ovim zakonom i podzakonskim aktima, a o čemu ovaj organ pazi po službenoj dužnosti, zbog čega je potrebno poništiti predmetni postupak javne nabavke u cjelosti i to u dijelu koji se odnosi na Lot 1- Zavoji gipsani i podloge, a sve u skladu sa članom 103. stav (1) tačka a) Zakona o javnim nabavkama“

PRIJEDLOG KOMISIJE

Obzirom da je od strane Ureda za razmatranje žalbi dostavljeno Rješenje kojim se žalba ponuđača Makotron d.o.o. odbacuje, samim tim Izvještaj broj 10-11-3-20422 od 04.05.2022. godine i Odluka o rezultatima okončanog otvorenog postupka broj 60-11-3-21158 od 10.05.2022. godine ostaju nepromijenjeni za Lot 9 i Lot 10 koji su bili predmet žalbe, odnosno u skladu s članom (ZJN član 69 stav 2 pod d) za Lot 9 - Flaster za fiksaciju I.V. Kanile, niti jedna dostavljena ponuda nije prihvatljiva, dok je za Lot 10 - Flasteri hipoalergijski postoperativni, izabran ponuđač ENA d.o.o. čija je ponuda jedino prihvaćena od strane Komisije.

Shodno dostavljenom Rješenju Ureda za razmatranje žalbi Bosne i Hercegovine po osnovu žalbe ponuđača Cherka Comany d.o.o. za Lot 1 koji je bio predmet žalbe, Komisija predlaže da se okvirni sporazum za nabavku „Medicinska sredstva za potrebe KCUS-a I/4/2022“, **za predmetni Lot 1 – Zavoji gipsani i podloge, u cijelosti poništi** u skladu s članom 69 stav 3 ZJN., te da se pokrene novi postupak kojim će tačno i precizno definisati „način na koji će se cijeniti dostavljeni uzorci, u koju svrhu se uzorci dostavljaju, da li u svrhu ocjene ponuda ili u svrhu kontrole ispravnosti isporuke robe u toku realizacije ugovora“.

Napomena:

Izmjena i dopuna Izvještaja odnosi se samo na: Lot 1 – Zavoji gisani i podloge, dok Izvještaj broj 10-11-3-20422 od 04.05.2022. godine i Odluka o rezultatima okončanog postupka broj 60-11-3-21158 od 10.05.2022. godine ostaju nepromijenjeni za ostale lot-ove u predmetnom postupku.

Na preporuku Komisije imenovane za predmetni postupak javne nabavke donijeta je Odluka kao u dispozitivu.



GENERALNA DIREKTORICA

Prof. dr. Sebija Izetbegović

PRAVNA POUKA:

Svaki ponuđač koji ima legitiman interes za konkretan ugovor o javnoj nabavci koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14) i/ili podzakonskih akata, ima pravo uložiti žalbu ugovornom organu u roku od 10 dana po prijemu Odluke o izboru, shodno Članu 99. i Članu 101. Zakona o javnim nabavkama BiH.

Handwritten signature and date: 20.05.2022